

卷一

錢乙傳

錢乙字仲陽上世錢塘人與吳越王有屬俶納土曾祖贊隨以北因家于鄆父顥善鍼醫然嗜酒喜游一旦匿姓名東游海上不復返乙時三歲母前亡父同產姑嫁醫呂氏哀其孤收養爲子稍長讀書從呂君問醫呂將歿乃告以家世乙號泣請往跡父凡五六返乃得所在又積數歲乃迎以歸是時乙年三十餘鄉人驚嘆感慨爲泣下多賦詩詠其事後七年父以壽終喪葬如禮其事呂君猶事父呂君歿無嗣爲之行葬服嫁其孤女歲

時祭享皆與親等乙始以顯顯方著山東元豐中長公主女有疾召使視之有功奏授翰林醫學賜緋明年皇子儀國公病瘵癡國醫未能治長公主朝因言錢乙起草野有異能立召入進黃土湯而愈神宗皇帝召見褒諭且問黃土所以愈疾狀乙對曰以土勝水木得其平則風自止且諸醫所治垂愈小臣適當其愈天子悅其對擢太醫丞賜紫衣金魚自是戚里貴室逮士庶之家願致之無虛日其論醫諸老宿莫能持難俄以病免哲宗皇帝復召宿直禁中久之復辭疾賜告遂不復起乙

本有羸病性簡易嗜酒疾屢攻自以意治之輒愈最後得疾憊甚乃嘆曰此所謂周痺也周痺大臟者死吾其已夫已而曰吾能移之使病在末因自製藥日夜飲之入莫見其方居亡何左手足攣不能用乃喜曰可矣又使所親登東山視兔絲所生篝火燭其下火滅虛鬪之果得茯苓其大如斗因以法噉之閱月而盡繇此雖偏廢而氣骨堅悍如無疾者退居里舍杜門不冠履坐臥一榻上時時閱史記雜說客至酌酒劇談意欲之適則使二僕夫輿之出沒閭巷人或邀致之不肯往也病者

日造門或扶攜襁褓負纍纍滿前近自鄰井遠或數十里皆授之藥致謝而去初長公主女病泄痢將殆乙方醉曰當發疹而愈駙馬都尉以爲不然怒責之不對而退明日疹果出尉喜以詩謝之廣親宗室子病診之曰此可無藥而愈顧其幼曰此兒旦夕暴病驚人後三日過午無恙其家恚曰幼何疾醫貪利動人乃如此明日果發痢甚急復召乙治之三日愈問何以無疾而知曰火急直視心與肝俱受邪過午者心與肝所用時當更也宗室王子病嘔泄醫以藥溫之加喘乙曰病本中熱

脾且傷奈何以剛劑燥之將不得前復溲與石膏湯王與醫皆不信罷謝乙曰毋庸復召我後二日果來召適有故不時往王疑且怒使人十數輩趣之至曰固石膏湯證也竟如言而效有士人病嗽面青而其氣哽哽乙曰肝乘肺此逆候若秋得之可治今春不可治其家所哀強之與藥明日曰吾藥再瀉肝而不少却三補肺而益虛又加唇白法當三日死然安穀者過期不安穀者不及期今尚能粥居五日而絕有娠婦得疾醫言胎且墮乙曰娠者五歲傳養率六旬乃更能候其月週補之

可不墮已而子母皆得全又乳婦因大恐而病病雖愈目張不得瞑久不能曉以問乙乙曰煮郁李酒飲之使醉卽愈所以然者目係內連肝膽恐則氣結膽衡不下惟郁李去結隨酒入膽結去膽下目則能瞑矣如言而效一日過所善翁聞兒唬愕曰何等兒聲翁曰吾家學生二男子也乙曰謹視之過百日乃可保翁不憚居月餘皆斃乙爲方博達不名一師所治種種皆通非但小兒醫也于書無不闕他人靳靳守古獨度越縱舍卒與法合尤邃本草多識物理辨正闕誤人或得異藥或持

疑事問之必爲言出生本末物色名貌退而考之皆中末年學泮浸劇其嗜酒喜寒食皆不肯禁自診知不可爲召親戚訣別易衣待盡享年八十二終于家所著書有傷寒論指微五卷嬰孺論百篇一子早世二孫今現爲醫劉跋曰乙非獨其醫可稱也其篤行似儒其奇節似俠術盛行而身隱約又類夫有道者數謂余言曩學六元五運夜宿東平王家嶺觀氣象至逾月不寐今老且死事誠有不在書者肯以三十日暇從我當相授余笑謝弗能是後遂不復言嗚呼斯人也如欲復得之難

或沒後余聞其所治驗尤眾東州人人能言之掇其章
 章者著之篇異時史家序方術之士其將有攷焉宣和
 元年劉跂撰

小兒藥證真訣目錄

武英殿聚珍版

卷一

變蒸論

脈法論

驚癇發搐論

五癇論

慢驚論

急慢驚論

心論

肝論

脾胃論

肺論

腎論

別虛實證論

諸疳論

腹中有癖不食論

腹脹論

黃疸論

傷風論

傷風吐瀉論

嘔吐論

初生吐不止論

吐痰涎論

欬嗽論

風溫潮熱相似論

諸汗論

熱渴論

身熱論

積痛論

心痛論

蟲痛論

胎實論

胎肥論

胎怯論

夜啼論

驚啼論

食乳論

顛顛不合論

龜胸論

龜背論

行遲論

弄舌舒舌論

齒落不生論

目論

傷寒瘡疹同異論

瘡疹候論

瘡疥風癬論

不治證論

卷二

搐別真假

發搐順逆

潮熱問難

吐瀉爭功

吐瀉問難

虛實下藥

寒熱相反

補下不向

癖為潮熱

虛實熱證

熱不可下

預說驚疾

溫冷用藥

陰癇壞病

治病有等

用藥識證

病誤用巫

病篤訣

嗽痛決死

蟲痛決死

瘡疹標本

瘡疹有誤

熱傳瘡疹

卷三

地黃丸

當歸散

調中丸

塌氣丸

大青膏

敗毒散

玉露散

異功散

荳蔻散

木瓜丸

香銀丸

藿香散

辰砂丸

麻黃湯

生黃膏

木香丸

胡黃連丸

蘭香丸

白粉散

如聖丸

膽礬丸

青金丹

止汗散

香瓜丸

黃耆散

虎杖散

郁李仁丸

捻頭散

生犀散

三黃丸

大黃圓

龍腦膏

梔朮飲子

白虎湯

犀角圓

大黃丸

瀉心湯

導赤散

桃枝圓

白餅子

紫霜丸

珍珠丸

消墜丸

鐵粉丸

麝蟾丸

安蟲散

五色丸

鉤藤飲子

豈卷散

龍腦散

迴生散

梓朴散

羌活膏

溫白丸

菝葜湯

小惺惺丸

金箔丸

蟬花散

安神丸

天南星散

瀉白散

益黃散

瀉黃散

白朮散

瀉青丸

生犀散

秦艽散

地骨皮散

牛黃膏

牛黃丸

銀液丸

鎮心丸

軟金丹

釣藤膏

魏香散

涼驚丸

剪刀股丸

烏藥散

紫草散

蟬蛻丸

三聖丸

小青丸

小紅丸

小黃丸

編銀丸

百部丸

銀砂丸

溫中丸

二氣散

白附子香連丸

荳蔻香連丸

小香連丸

大胡連丸

麝香丸

大惺惺丸

獨活飲子

三黃散

人參散

檳榔散

黃耆散

地骨皮散

龍骨散

蘭香散

傅齒立效散

胡黃連麝香丸

大蘆會丸

榆仁丸

橘連丸

龍粉丸

二聖丸

沒石子丸

金華散

蚶蚘丸

白玉散

臣等謹按小兒藥證真訣三卷宋大梁閻季忠所編錢乙方論也乙字仲陽東平人官至太醫院丞事跡具宋史方技傳乙在宣和間以巫方氏顛顛經治小兒甚著于時故季忠集其舊法以爲此書上卷論證中卷爲醫案下卷爲方陳振孫書錄解題馬端臨文獻通考並著錄明以來舊本久佚惟

雜見諸家醫書中今從永樂大典內掇拾排纂得論證四十七條醫案二十三條方一百一十有四各以類編仍爲三卷又得閻季忠序一篇劉歧所作錢仲陽傳一篇並冠簡端條理秩然幾還其舊疑當時全部收入故無大佚脫也小兒經方于古罕見自乙始別爲專門而其書亦爲幼科之鼻祖後人得其緒論往往有回生之功如六味丸方本後漢張機金匱要略所載崔氏八味丸方乙以爲小兒純陽無煩益火除去肉桂附子二味以爲幼

科補劑明薛已承用其方遂為直補真陰之聖藥
 其斟酌通變動契精微亦可以槩見矣閻李忠永
 樂大典作閻孝忠然書錄解題及通考皆作李忠
 疑永樂大典為傳寫之訛今改從諸家作李劉歧
 字斯立東平人摯之子也有學易集別著錄所撰
 乙傳與宋史方技傳畧同蓋宋史即據此傳為藍
 本云乾隆四十五年十一月恭校上

總纂官內閣學士 臣紀昀

光祿寺卿 臣陸錫熊

纂修官翰林院編修 臣王嘉曾

小兒藥證真訣原序

醫之為藝誠難矣而治小兒為尤難自六歲以下黃帝不載其說始有顧願經以占壽夭死生之候則小兒之病雖黃帝猶難之其難一也脈法雖曰八至為和平不至為有病然小兒脈微難見醫為持脈又多驚啼而不得其審其難二也脈既難憑必資外證而其骨氣未成形聲未正悲啼喜笑變態不常其難三也問而知之醫之工也而小兒多未能言言亦未足取信其難四也臟腑柔弱易虛易實易寒易熱又所用多犀珠龍麝醫苟

難辨何以已疾其難五也種種隱奧其難固多余嘗致思于此又目見庸醫妄施方藥而救之者十常四五良可哀也蓋小兒治法散在諸書又多出于近世臆說汗漫難據求其要妙豈易得哉太醫丞錢乙字仲陽汝上人其治小兒該括古今又多自得著名于時其法簡易精審如指諸掌先子治平中登第調須城尉識之余五六歲時病驚疳癖屢至危殆皆仲陽拯之良愈是時仲陽年高少不肯輕傳其書余家所傳者纔十餘方耳大觀初徐筮仕汝海而仲陽老矣于親舊開始得說證

數十條後六年又得雜方蓋晚年所得益妙比于京師復見別本然旋著旋傳皆雜亂初無紀律互有得失因得參校焉其先後則次之重複則削之訛謬則正之俚語則易之上卷脈證治法中卷記嘗所治病下卷諸方而書以全于是古今治小兒之法不可以加矣余念博愛者仁者之用心幼幼者聖人之遺訓此惠可不廣耶將傳之好事者使幼者免橫天之苦老者無哭子之悲此余之志也因以明仲陽之術于無窮宣教郎大梁閻季忠序

此余之論也... 凡小兒之病... 皆由乎此... 故凡治小兒... 必先求其本... 而後治其標... 此其大略也... 凡治小兒... 必先求其本... 而後治其標... 此其大略也...

小兒藥證真訣卷一

宋

錢

七

撰

變蒸論

小兒在母腹中乃生骨氣五臟六腑成而未具全自生之後即長骨脈五臟六腑之神智也變者易也又生變蒸者自內而長自下而上又身熱故以生之日後三十日一變變每畢即情性有異于前何者長生腑臟智意故也何謂三十二日長骨添精神人有三百六十五骨除手足中四十五碎骨外有三百二十數自生下骨

二日十段而上之十日百段三十二日計三百二十段
爲一遍亦曰一蒸骨之餘氣自腦分入齦中作三十二
齒而齒牙有不及三十二數者由變不足其常也或二
十八日卽至長二十八齒已下倣此但不過三十二之
數也凡一周變乃發虛熱諸病如是十周則小蒸畢也
計三百二十日生骨氣乃全而未壯也故初三十二日
一變生腎志六十四日再變生膀胱其發耳與飢冷腎
與膀胱俱生于水水數一故先變生九十六日三變生
心喜一百二十八日四變生小腸其發出汗而微驚心

爲火火數二一百六十日五變生肝哭一百九十二日
六變生膽其發目不閉而赤肝主木木數三二百二十
四日七變生肺聲二百五十六日八變生大腸其發膚
熱或汗或不汗肺者金金數四二百八十八日九變生
脾智三百二十日十變生胃其發不食腸痛而吐乳此
後乃齒生能言知喜怒故云始全也太倉云氣入四肢
長碎骨于十變後六十四日長其經脈手足手受血故
能持物足受血故能行立經云變且蒸謂蒸畢而足一
歲之日也師曰不汗而熱者發其汗大吐者微止不可

別治是以小兒須變蒸蛻齒者如花之易苗所謂不及三十二齒由變之不及齒當與變日相合也年壯而脫齒方周

脈法論

脈亂不治氣不和急傷食沈虛驚急風浮冷沈

驚癇發搐論

驚癇發搐男發搐目左視無聲右視有聲女發搐目右視無聲左視有聲相勝故也更有發時證
早辰發搐因潮熱寅卯辰時身體壯熱上視手足動搖

口内生熱涎項頸急此肝旺當補腎治肝也補腎地黃

丸治肝瀉青丸主之

日午發搐因潮熱巳午未時發搐心神驚悸目上視白睛赤色牙關緊口內涎手足動搖此心旺也當補肝治心治心導赤散涼驚丸補肝地黃丸主之

目晚發搐因潮熱申酉戌時不甚搐而喘目微斜視身體似熱睡露睛手足冷大便淡黃水是肺旺當補脾治心肝補脾益黃散治肝瀉青丸治心導赤散主之

夜間發搐因潮熱亥子丑時不甚搐而卧不穩身體溫

壯目睛緊斜視喉中有痰大便銀褐色乳食不消多睡不省一本云不納津液當補脾治心補脾益黃散治心導赤散涼驚丸主之

傷風後發搐傷風後得之口中氣出熱呵欠頓悶手足動搖當發散大青膏主之小兒生本怯者多此病也傷食後發搐傷食後得之身體溫多吐多睡或吐不思飲食而發搐當先定搐搐過白餅子下之後服安神丸百日内發搐真者不過三兩次必死假者發頻不為重真者內生驚癇假者外傷風冷蓋血氣未實不能勝任

乃發搐也欲知假者口中氣出熱也治之可發散大青

膏主之及用塗顛浴體法此三卷內不載

雜病證亦兼青者欲發搐目直而青身反折強直生驚咬牙甚者發驚

急驚因聞大聲或大驚而發搐發過則如故此無除也

當下利驚丸主之利驚丸利或涼字之誤小兒急驚者

本因熱生于心身熱面赤引飲口中氣熱大小便黃赤

劇則搐也蓋熱甚則風生風屬肝此陽盛陰虛也故利

驚丸主之以除其痰熱不可與巴荳及溫藥大下之恐

蓄虛熱不消也小兒熱痰客于心胃因聞聲非常則動而驚搐矣若熱極雖不因聞聲及驚亦自發搐

五癇論

凡治五癇皆隨臟治之每臟各有一獸並五色凡犬癇反折上竅犬叫肝也羊癇目瞪吐舌羊叫心也牛癇目直視腹滿牛叫脾也雞癇驚跳反折手縱雞叫肺也豬癇如尸吐沫豬叫腎也五癇重者死病後甚者亦死

慢驚論

慢驚因病後或吐瀉脾胃虛損遍身冷口鼻氣出亦冷手足時瘈瘲昏睡睡露睛此無陽也菰藶湯主之

急慢驚論

凡急慢驚陰陽異證切宜辨而治之急驚合涼瀉慢驚合溫補世間俗方多不分別誤小兒甚多

凡小兒傷于風冷病吐瀉醫謂脾虛以溫補之不已復以涼藥治之又不能已謂之本傷風醫亂攻之因脾氣卽虛內不能散外不能解至十餘日其證多睡露睛身溫風在脾胃故大便不聚而爲瀉當去脾間風風退則利止宣風散主之後用使君子丸補其胃亦有諸吐痢

久不差者脾虛生風而成慢驚

心論

見冬火旺心強勝腎當補腎治心輕者病退重者下竄不語腎怯虛也

五臟所主心主驚實則叫哭發熱飲水而搐虛則困卧悸動不安心病多叫哭驚悸手足動搖發熱飲水

心熱視其睡口中氣溫或合面睡及上竄咬牙皆心熱也導赤散主之心氣熱則心胃亦熱欲言不能而有就冷之意故合面卧心氣實則氣上下行澁合卧則氣不

得通故喜仰卧則氣得上下通也瀉心湯主之

原張
潔古錢

氏補遺溫
中丸亦妙

肝論

肝主風實則目直大叫呵欠項急頓悶虛則咬牙多欠氣熱則外生氣溫則内生

肝熱手尋衣領及亂捻物瀉青丸主之壯熱飲水喘悶瀉白散主之

肝有熱目直視不搐得心熱則搐肝有風目連劄不搐得心熱則搐治肝瀉青丸治心導赤散主之

肝外生感風呵欠頓悶口中氣熱當發散大青膏主之
若能食飲水不止累大黃丸微下之餘不可下

肝有風甚身反張強直不搐心不受熱也當補腎治肝
補腎地黃丸治肝瀉青丸主之

凡病或新或久皆引肝風風動而上于頭目目屬肝風
入于目上下左右如風吹不輕不重兒不能任故目連
劄也若熱入于目牽其筋脈兩眦緊不能轉視故目直
也若得心熱則搐以其子母俱有實熱風火相搏故也
治肝瀉青丸治心導赤散主之

肝病秋見肝強勝肺肺怯不能勝肝當補脾肺治肝益
脾者母令子實故也補脾益黃散治肝瀉青丸主之

脾胃論

脾主困實則困睡身熱飲水虛則吐瀉生風脾病困睡
洩瀉不思飲食

脾病見四旁皆倣此治之順者易治逆者難治脾怯當
面目赤黃五臟相反隨證治之

胃氣不和面眇白無精光口中氣冷不思食吐水當補
脾益黃散主之胃冷虛面眇白色瘦弱腹痛不思食當

補脾益黃散主之下痢者調中丸主之氣不和口頻撮
當調氣益黃散主之食不消脾胃冷故不能消化當補
脾益黃散主之
虛羸脾胃不和不能食乳致肌瘦亦因大病或吐瀉後
脾胃尚弱不能傳化穀氣也有冷者時時下痢唇口青
白有熱者溫壯身熱肌肉微黃此冷熱虛羸也冷者木
香丸主之夏月不可服如有證則少服之熱者胡黃連
丸主之冬月不可服如有證則少服之吐沫及痰或白
綠水皆胃虛冷

肺論

肺主喘實則悶亂喘促有飲水者有不飲水者虛則哽
氣長出氣肺病悶亂哽氣長出氣氣短喘
肺熱手掐眉目鼻面柑桔湯主之肺虛熱唇深紅色治
之散肺虛熱少服瀉白散
吐稠涎及血皆肺熱久則虛
肺盛復有冷風胸滿短氣氣急喘嗽上氣當先散肺後
發散風冷散肺瀉白散大青膏主之
肺臟怯唇白色當補肺阿膠散主之若悶亂氣麓喘促

哽氣者難治肺虛損故也脾肺病久則虛而唇白脾者肺之母也母子皆虛不能相營故名曰怯肺主唇白白而澤者吉白如枯骨者死

肺病見春金旺肺勝肝當瀉肺輕者肺病退重者目淡青必發驚更有赤者當搐為肝怯當目淡青色也

肺病勝肝當補腎肝治肺臟肝怯者受病也補肝腎地黃丸治肺瀉白散主之

腎論

腎主虛無實也惟瘡疹腎實則黑陷腎病無精光畏明

體骨重

腎病見夏水勝火腎勝心也當治腎輕者病退重者悸動當通也

腎虛兒本虛怯由胎氣不成則神不足目中白睛多其顱即解也顱開也面色眊白此皆難養縱長若恣色慾尋即

亡也

或有因病而致腎虛者非也腎氣不足則下窺蓋骨重惟欲墜下而縮身也腎水陰也腎虛則畏明皆宜補腎地黃丸主之

腎怯失音相似病吐瀉及大病後雖有聲而不能言及能進藥此非失音爲腎怯不能上接于陽故也當補腎地黃元主之失音乃猝病耳

別虛實證論

假如肺病又見肝證咬牙多呵欠者易治肝虛不能勝肺故也若目直大叫哭項急頓悶者難治蓋肺久病則虛冷肝強實而反勝肺也視病之新久虛實虛則補母實則瀉子

凡病先虛或下之合下者先實其母然後下之假令肺虛而痰實此可下先當益脾後方瀉肺也

五臟相勝輕重肝臟病見秋木旺肝強勝肺也宜補肺瀉肝輕者肝病退重者唇白而死

呵欠面赤者風熱呵欠面青者驚風呵欠面黃者脾虛驚呵欠多睡者內熱呵欠氣熱者傷風血氣怯爲冷所乘則唇青尿深黃色久則尿血小便不通久則脹滿當利小便洗浴拭臍不乾風入作瘡令兒撮口甚者是脾虛口噤不止則失音遲聲亦同

諸疳論

諸疔疔在內目腫腹脹痢色無常或沫青白漸瘦弱此冷證也疔在外鼻下赤爛自操鼻頭上瘡不著痂漸遠耳生瘡治鼻瘡爛蘭香散諸瘡白粉散主之

肝疔白膜遮睛當補肝地黃丸主之心疔面黃頰赤身壯熱當補心安神丸主之脾疔體黃腹大食泥土當補脾益黃散主之腎疔極瘦身有瘡疥當補腎地黃丸主之筋疔瀉血而瘦當補肝地黃丸主之肺疔氣喘口鼻生瘡當補脾肺益黃散主之骨疔喜臥冷地當補腎地黃丸主之

諸疔皆依本臟補其母及與治疔藥冷則木香丸熱則胡黃連丸主之疔皆脾胃病亡津液之所作也因大病或吐瀉後以藥吐下致脾胃虛弱亡津液且小兒病疔皆愚醫之所壞假如潮熱是脾臟虛一臟實而內發虛熱也法當補母而瀉本臟則愈假令日中發潮熱是心虛熱也肝爲心母則宜先補肝肝實而後瀉心心得母氣則內平而潮熱愈也醫見潮熱妄謂其實乃以大黃牙硝輩諸冷藥利之利既多矣不能禁約而津液內亡卽成疔也又有病癰其發作寒熱飲水脅下有形硬痛

治癖之法當漸消磨醫反以巴荳礪砂輩下之小兒易
虛易實下之既過胃中津液耗損漸令疳瘦又有病傷
寒五六日間有下證以冷藥下之太過致脾胃津液少
既使引飲不止而生熱也熱氣內耗肌肉外消他邪相
干證變諸端因亦成疳又有吐瀉久病或醫妄下之其
虛益甚津液燥損亦能成疳又有肥疳卽脾疳也身瘦
黃皮乾而有瘡疥其候不一種種異端今畧舉綱紀目
澀或生白膜唇赤身黃乾或黑喜臥冷地或食泥土身
有瘡疥瀉青白黃沫水痢色變易腹滿身耳鼻皆有瘡

髮鬢作穗頭大項細極瘦飲水皆其證也大抵疳病當
辨冷熱肥瘦其初病者爲肥熱疳久病者爲瘦冷疳
者木香丸熱者黃連丸主之冷熱之疳尤宜如聖丸故
小兒之臟腑柔弱不可痛擊大下必亡津液而成疳凡
有可下量其大小虛實而下之則不至爲疳也初病津
液少者當生胃之津液白朮散主之唯多則妙

腹中有癖不食論

腹中有癖不食但飲乳是也當漸用白餅子下之小兒
病癖由乳食不消伏在腹中乍涼乍熱飲水或喘嗽與

潮熱相類不早治必成疳以其有癖則令兒不食致脾胃虛而發熱故飲水過多即蕩滌脾胃亡失津液脾胃不能傳化水穀其脈沈細益不食脾胃虛衰四肢不舉諸邪遂生羸瘦而成疳矣

餘見疳門

腹脹論

虛實腹脹腹脹由脾胃虛氣攻作也實者悶亂喘滿可下之用紫霜丸白餅子不喘者虛也不可下若悞下致脾虛氣上附而行肺與脾子母皆虛肺主目胞腮之類脾主四肢母氣虛甚即目胞腮腫也色黃者屬脾也治

之用塌氣丸漸消之未愈漸加丸數不可以丁香木香橘皮荳蔻大溫散藥治之何以然脾虛氣未出腹脹而不喘可以散藥治之使上下分消其氣則愈也若虛氣已出附肺而行即脾胃內弱每生虛氣入于四肢面目矣小兒易為虛實脾虛不受寒溫服寒則生冷服溫則生熱當識此勿誤也胃久虛熱多生疽病或引飲不止脾虛不能勝腎隨肺之氣上行于四肢若水狀腎氣浸浮于肺即大喘也此當服塌氣丸病愈後面未紅者虛衰未復故也治腹脹者譬如行兵戰寇于林寇未出林

以兵攻之必可獲寇若出林不可急攻攻必有失當以意漸收之卽順也

治虛腹脹先服塌氣丸不愈腹中有食積結糞小便黃時微喘脈伏而實時飲水能食者可下之蓋脾初虛而後結有積所治宜先補脾後下之下後又補脾卽愈也補肺恐生虛喘

黃疸論

黃柑似身皮目皆黃者黃病也身痛體背強大小便澀一身皆黃面目指爪皆黃小便如屋塵色着物皆黃渴

者難治此黃疸也二證多病于大病後別有一證生下百日及半年不因病後身微黃者胃熱大人亦同又有面黃腹大食土渴者脾疸也又有自生而身黃者胎疸也古書云諸疸皆熱色深黃者是也若淡黃兼白者胃怯胃不和也

傷風論

傷風貪睡口中氣熱呵欠頓悶當發散與大青膏解不散有下證當下大黃丸主之大飲水不止而善食者可微下餘不可下也

傷風手足冷脾臟怯也當和脾後發散和解益黃散發
散大青膏主之

傷風自痢脾臟虛怯也當補脾益黃散發散大青膏主
之未差調中丸主之有下證大黃丸主之後服溫驚丸
傷風腹脹脾臟虛也當補脾必不喘後發散仍補脾也
去脹塌氣丸主之發散大青膏主之

傷風兼臟兼心則驚悸兼肺則悶亂喘急哽氣長出氣
嗽兼腎則畏明各隨補母臟虛見故也

傷風下後餘熱以藥下之太過胃中虛熱飲水無力也

當生胃中津液多服白朮散

傷風吐瀉論

傷風吐瀉身溫乍涼乍熱睡多氣穢大便黃白色嘔吐
乳食不消時欬嗽更有五臟兼見證當煎入臟君臣藥
先服大青膏後服益黃散如先曾下或無下證慎不可
下也此乃脾肺受寒不能入食也

傷風吐瀉身熱多睡能食乳飲水不止吐痰大便黃水
此為胃虛熱渴吐瀉也當生胃中津液以止其渴止後
用發散藥止渴多服白朮散發散大青膏主之

傷風吐瀉身涼吐沫瀉青白色悶亂不渴哽氣長出氣
 垂露睛此傷風荏苒輕怯因成吐瀉當補脾後發散補
 脾益黃散發散大青膏主之此二證多病子春秋也
 夏秋吐瀉五月夏至以後吐瀉身壯熱此熱也小兒臟
 腑十分中九分熱也或因傷熱乳食吐瀉不消瀉深黃
 色玉露散主之

六月大暑以後吐瀉身溫似熱臟腑六分熱四分冷也
 吐嘔乳食不消瀉黃白色似瀉或食乳或不食乳食前
 少服益黃散食後多服玉露散

七月立秋以後吐瀉身溫涼三分熱七分冷也不能食
 乳多似睡悶亂哽氣長出氣睡露睛唇白多噦欲大便
 不渴食前多服益黃散食後少服玉露散

八月秋分以後吐瀉身冷無陽也不能食乳乾噦瀉青
 褐水當補脾益黃散主之不可下也

嘔吐論

凡乳瀉黃傷熱乳也吐乳瀉青傷冷乳也皆當下

吐瀉昏睡露睛者胃虛熱吐瀉昏睡不露睛者胃實熱
 吐瀉乳不化傷食也下之瀉黃紅赤黑皆熱赤亦毒瀉

青白穀不化胃冷

初生吐不止論

凡小兒初生下拭掠兒口中穢惡不盡嚥入喉中故吐木瓜丸主之凡初生急須拭掠口中令淨若啼聲一發則嚥下多生諸病

初生三日內吐瀉壯熱不思乳食大便乳食不消或白色是傷食當下之後和胃下用白餅子和胃用益黃散主之

初生三日以上至十日吐瀉身溫涼不思乳食大便青色乳食不消此上實下虛也更有兼見證肺睡露睛喘氣心驚悸飲水脾困倦饒睡肝呵欠頓悶腎不語畏明當瀉見兒兼臍補脾益黃散主之此二證多病于秋夏也

吐痰涎論

凡吐痰涎熱者下之冷者溫之

嗽論

夫嗽者肺感微寒八九月間肺氣大旺病嗽者其病必實非久病也其證面赤痰盛身熱法當以葶藶丸下之

若久者不可下也十一月十二月嗽者乃傷風也風從背脊第三椎肺俞穴入也當以麻黃湯汗之有熱證面赤飲水涎熱咽喉不利者宜兼甘桔湯治之若五七日間其證身熱痰盛唾黏者以編銀丸下之有肺盛者嗽而後喘面腫欲飲水有不飲水者其身即熱以瀉白散瀉之若傷風咳嗽五七日無熱證而但嗽者亦葶歷丸主之後用化痰藥有肺虛者嗽而哽氣時時長出氣喉中有聲此久病也以阿膠散補之痰盛者先實脾後以編銀丸微下之涎退即補肺如上法有嗽而吐水或青

綠水者以百祥丸下之有嗽而吐痰涎乳食者以白餅子下之有嗽而咯膿血者乃肺熱食後服甘桔湯久嗽者肺亡津液阿膠散補之嗽而痰實不甚喘而面赤時飲水者可編銀丸下之治嗽大法盛即下之久即補之更量虛實以意增損

風溫潮熱相似論

風溫潮熱壯熱相似潮熱者時間發熱過時即退來日依時發熱此欲發驚也壯熱者一向熱而不已甚則發驚癇也風熱者身熱而口中氣熱有風證溫壯者但溫

而不熱也治小兒壯熱昏睡傷風風熱瘡疹傷食皆相
似未能辨認間服升麻葛根湯惺惺散小柴胡湯甚驗
蓋此四藥通治之不致悞也惟傷食則大便酸臭不消
化畏食或吐食宜以藥下之

更論諸汗論

喜汗厚衣臥而額汗出也止汗散主之
盜汗睡而自汗出肌肉虛也止汗散主之遍身汗香瓜
丸主之
六陽虛汗上至頭下至項不過腦也不須治之

胃怯汗上至頂下至臍此胃虛當補胃益黃散主之

熱渴論

或洩瀉等諸病煩渴者皆津液內耗也不問陰陽宜煎
白朮散使滿意取足飲之彌多彌好

身熱論

身熱不飲水者熱在外身熱飲水者熱在內
熱證疎利或解化後無虛證勿溫補熱必隨生

積痛論

積痛口中氣溫面黃白目無精光或白睛多及多睡畏

食或大便酸臭者當磨積宜消積丸案下卷有消積丸甚
者當用白餅子下之後和胃和胃白朮散

心痛論

心痛不吐水者冷心痛吐水不心痛者胃冷病心痛吐
水者蟲病

蟲痛論

虛實
痛附

面皤白心腹痛口中沫及清水出發痛有時安蟲散主
之小兒本怯者多此病積痛食痛虛痛大同小異惟蟲
痛者當口淡而沫自出治之隨其證用藥口中吐沫水

者後必蟲痛

蟲與癩相似小兒本怯故胃虛冷則蟲動而心痛與癩
略相似但目不斜手不搐也安蟲散主之

胎熱論

胎熱生下有血氣時叫哭身壯熱如瀆茶色目赤小便
赤黃糞稠急食乳浴體法主之更別父母肥瘦肥不可
生瘦瘦不可生肥也

胎熱面紅目黑睛多者喜笑

胎肥論

胎肥生下肌肉厚遍身血色紅滿月以後漸漸肌瘦目
白睛粉紅色五心熱大便難時時生涎浴體法主之

胎怯論

胎怯面黃目黑睛少白睛多者多哭

胎怯生下面色無精光肌肉薄大便白水身無血色時
時哽氣多噦目無精采當浴體法主之

夜啼論

夜啼脾臟冷兒痛也當以溫中藥及以法禳之花火膏
主之

驚啼論

驚啼邪熱乘心也安心定神丸主之

案下卷有安神丸無安心定神丸

食乳論

大喜後食乳食多成驚哭後食乳多成吐瀉

急欲乳不能食由客風熱入兒臍流入心脾經即舌厚
唇燥口不能乳當涼心脾

顛顛不合論

解顛生下而顛不合腎氣不成也長必少笑更有目白
睛多眇白色瘦者多愁少喜也

龜胸論

龜胸肺熱脹滿攻于胸膈即成龜胸又乳母多食五辛亦成也

龜背論

兒生下客風入脊逐于骨髓即成龜背治之以龜尿點骨節取尿之法當蓮葉安龜在上後用鏡照之自尿出以物盛之

行遲論

長大不行行則脚細此下有脫文

弄舌舒舌論

弄舌脾臟微熱令舌絡微緊時時舒舌治之勿用冷藥及下之當少與瀉黃散服之亦或飲水醫疑為熱必冷藥下之非也飲水者脾胃虛津液少也又加而黃肌瘦五心煩熱即為疳瘦宜加胡黃連丸輩大病未已用藥弄舌者凶

齒落不生論

齒落不生齒生不固此下有脫文

目論

目內證赤者心熱導赤散主之淡紅者心虛熱生犀以
主之青者肝熱瀉青丸主之淺淡者補之黃者脾熱瀉
黃散主之無精光者腎虛地黃丸主之

傷寒瘡疹同異論

論傷寒瘡疹同異云傷寒男體重面黃女面赤喘急憎
寒及口中氣熱呵欠煩悶項急也瘡疹則腮赤燥多噴
嚏悸動昏倦四肢冷傷寒當發散瘡疹當溫平有大熱
者解毒海藏云發散者神木湯之類溫平者非熱劑如
荆芥薄荷防風牛蒡甘草之類活人鼠黏子湯
是也與潔古老人解毒防風湯相非
選用解毒者三黃湯金花丸之類

瘡疹候論

面燥腮赤目疱亦赤呵欠煩悶乍涼乍熱咳嗽噴嚏手
足積冷夜臥驚悸多睡並瘡疹證此天行之病也惟用
溫涼治之不可妄下及妄攻發此辛涼調之也

海藏云
肝藏水

疱色或青肺臟膿疱色或白脾臟疹或如麩糠心臟斑
其色赤歸腎變色黑此五色凡見于瘡或一色或三色
相合而病或作次第大小不等
九日之內三出之亦無定也
惟斑疹病後發或癩餘

瘡難發癩矣木勝脾木歸心故也若涼驚用涼驚丸溫

驚用粉紅丸案下卷有小紅丸
白粉丸無粉紅丸小兒在胎十月食五臟

血穢生下則其毒當出故瘡疹之狀皆五臟之液肝主

淚肺主涕心主血脾為裏血其瘡出有五名肝為水疱以淚出如水其色青小肺為膿疱以涕稠濁色白而大心為斑主心血色赤而小次于水疱脾為疹小次斑瘡其主裏血故色赤黃淺也涕淚出多故膿疱水疱皆大血榮于內所出不多故斑疹皆小也病瘡者淚涕俱少譬如疱中容水水去則瘦故也

始發潮熱三日以上熱運入皮膚即發瘡疹而不甚多者熱留膚腠之間故也潮熱隨臟出如早食潮熱不已為水疱之類也

瘡疹始出之時五臟證見惟腎無候但見平證耳尻涼耳涼是也尻耳俱屬于腎其居北方主冷也若瘡黑陷而耳尻反熱者為逆若用百祥丸牛李膏三服不愈者死病也

凡瘡疹若出辨視輕重若一發便出盡者必重也瘡夾疹者半輕半重也出稀者輕裏外微紅者輕外黑裏赤者微重也外白裏黑者大重也瘡端裏黑點如針孔者勢劇也青乾紫陷昏睡汗出不止煩燥熱溫腹脹啼喘天小便不通者困也

凡瘡疹當乳母慎口不可令飢及當風冷必歸腎而變

黑難治也

海藏云或熱極反兼水化者亦能變黑面以涼藥主之不可不察以脈別之可也或有出

色正者內素有熱頭反陷色或青灰似黑中有針眼下陷當急以涼藥疎之便結者大黃牽牛之類便軟者金花丸更有大熱者當利小便有小熱者宜解毒若黑紫

乾陷者百祥丸下之不黑者慎勿下更有時月輕重大

抵瘡疹屬陽出則為順故春夏病為順秋冬病為逆冬

月腎旺又盛寒病多歸腎變黑又當辨春膿疱夏黑陷

秋斑子冬疹子亦不順也重者十治四五黑者無問何

時十難救其一二其候或寒戰噤牙或身黃腫紫宜以

百祥丸下之復惡寒不已身冷出汗耳尻反熱者死病

也何以然腎氣太旺脾虛不能治故也下後身熱氣溫

欲飲水者可治以脾主勝腎寒去而溫熱也治之當解

毒不可妄下妄下則內虛多歸于腎若能食而痲頭焦

起或未焦而喘實者可下之身熱煩渴腹滿而喘大小

便澁面赤悶亂大吐者當利小便不差者宣風散下之

若五七日痲不焦是內發熱熱氣蒸于皮膚中故瘡不

得焦痲也宜宣風散導之用生犀磨汁解之使熱不生

必著痲矣

瘡疹由內相勝也惟斑疹能作搐疹為脾所生脾虛而
肝旺乘之木來勝土熱氣相擊動于心神心喜為熱神
氣不安因搐成癩斑子為心所生心生熱熱則生風風
屬于肝二臟相搏風火相爭故發搐也治之當瀉心肝
補其母枯根湯主之

瘡黑而忽瀉便膿血并痂皮者順水穀不消者逆何以
然且瘡黑屬腎脾氣本強或舊服補脾藥脾氣得實腎
雖用事脾可制之今瘡入腹為膿血及連痂皮得出是
脾強腎退即病出而安也米穀反瀉乳不化者是脾虛

不能制腎自洩也此必難治

海藏云瀉出痂皮根在內也表裏俱病是為大疾水

穀化者順水穀不化者逆也鄭端友辨證錢氏謹按錢氏論瘡痘證惟用溫涼藥不可妄吐下及攻發又云寒顛噤牙身黃紫腫急以百祥丸下之又身熱煩渴腹滿而喘大小便澀面赤悶亂大吐當利小便不差宜風散下之此皆瘡痘盛出之證先發膿疱後發水疱多者順少者逆先水

疱後斑子多者逆少者順先疹子後斑子者順凡瘡疹

只出一般者善

海藏云此一句足以知雜出者諸臟相合而不齊也用藥亦難矣

雜證

又云先發膿疱後發斑子者逆先發膿疱後發疹子者

順先發水疱後發疹子者逆

海藏云前斷例五色各隨五臟亦有二色相合或有

三色即無定也與此前後膿水斑疹大小不同先後順逆大意相若

瘡疥風癬論

夫小兒瘡疥風癬可用雄黃散加芒硝少許油調傅之如面上有瘡癬不宜搽藥恐因而入眼則損目必矣

不治證論

目赤脈貫瞳人 腦腫及陷 鼻乾黑 魚口氣急 吐蟲不定 瀉不定精神好 大渴不定止之又渴 吹鼻不噴 病重口乾不睡 時氣唇上青黑點 頰深赤如塗臙脂 鼻開張喘急不定 小兒藥證真訣卷一

小兒藥證真訣卷二

宋

錢

乙

撰

搐別真似

李司戶孫病生百日發搐三五次請眾醫治或作天弔或作胎驚或作驚癇皆無應者後錢氏用大青膏如小豆許作一服發之復與塗額法封之及浴法三日而愈何以然嬰兒初生肌骨嫩怯被風傷之子不能任故發搐頻發者輕何者客風在內每遇不任即搐搐稀者是內臟發病不可救也頻搐者宜散風冷故用大青膏但

不可多兒至小易虛易實多即生熱止一服而已更當
封浴無不效者

發搐順逆

李寺丞子三歲病搐自卯至巳數醫不治召錢氏視之
搐目右視大叫哭李曰何以搐右錢曰逆也李曰何以
逆曰男爲陽而本發左女爲陰而本發右若男發搐時
目左視無聲右視有聲女發搐時右視無聲左視有聲
所以然者左肝右肺肝木肺金男目右視肺勝肝也金
來刑木二臟相戰故有聲也治之瀉其強而補其弱心

實者亦當瀉之肺虛不可瀉肺虛之候悶亂哽氣長出
氣此病男反女故男易治于女也假令女發搐目左視
肺之勝肝又病在秋卽肺兼旺位肝不爲任故叫哭當
大瀉其肺然後治心續肝所以俱言目反右視者乃肝
主目也凡搐者風熱相搏于內風屬肝故引見之于目
也錢用瀉肺湯瀉之二日不悶亂當知肺病退後用地
黃丸補腎三服後用瀉青丸涼驚丸各二服凡用瀉心
肝藥五日方愈不妄治也又言肺虛不大瀉者何也曰
設令男目右視木反尅金肝旺勝肺而但瀉肝若更病

在春夏金氣極虛故當補其肺慎勿瀉也

潮熱問難

皇都徐氏子三歲病潮熱每日西則發搐身微熱而目微斜及露睛四肢冷而喘大便微黃錢與李醫同治錢問李曰病何搐李曰有風何身熱微溫曰四肢所作何目斜露睛曰搐則目斜何肢冷曰冷必內熱曰何喘曰搐之甚也曰何以治之曰凡鼻中灌之必搐止錢又問曰既謂風病溫壯搐引目斜露睛內熱肢冷及搐甚而喘併以何藥治之李曰皆此藥也錢曰不然搐者肝實

也故令搐日西而身微熱者肺潮熱用事肺主身溫且熱者爲肺虛所以目微斜露睛者肝肺相勝也肢冷者脾虛也肺若虛甚母脾亦弱木氣乘脾四肢卽冷治之當先用益黃散阿膠散得脾虛證退後以瀉青丸導亦散涼驚丸治之九日愈

吐瀉爭功

廣親北宅四大王宮五太尉病吐瀉不止米穀不化衆醫用補藥言用薑汁調服之六月中服溫藥一日而加喘吐不定錢曰當以涼藥治之所以然者謂傷熱在內

也。用石膏湯三服併服之。衆醫皆言吐瀉多而米穀不化，當補脾。何以用涼藥？王信衆醫，又用補脾散。丁君散三服，錢後至曰：不可服。此三日外必腹滿身熱，飲水吐逆三日外，一如所言。所以然者，謂六月熱甚，伏入腹中，而令引飲熱傷脾胃，卽大吐瀉。他醫又行溫藥，卽上焦亦熱，故喘而引飲。三日當死。衆醫不能治，復召錢至。宮中見有熱證，以白虎湯三服，更以白餅子下之一日。減藥二分。二日三日，又與白虎湯各二服。四日用石膏湯一服。旋新合麥門冬、黃芩、腦子、牛黃、天竺、黃芩、茯苓，以

朱砂爲衣，與五丸。竹葉湯化下，熱退而安。

吐瀉問難

廣親宮七太尉七歲病吐瀉，是時七月，其證全不食而昏睡，睡覺則亂噎氣，乾嘔大便，或有或無。不渴，衆醫作驚治之，疑睡故也。錢曰：先補脾，後退熱。與使君子丸補脾，退熱石膏湯。次日以水銀、硫黃二物末之，牛黃水調下一字。錢曰：凡吐瀉五月內，九分下而一分補。八月內十分補而一分下。此是脾虛瀉，醫妄治之，至于虛損下之，卽死。當只補脾，若以使君子丸，卽緩錢。又畱溫胃益

脾藥止之醫者李生曰何食而噦錢曰脾虛不能食津少卽嘔逆何瀉青水曰腸胃至虛冷極故也錢治而愈

虛實下藥

馮承務子五歲吐瀉壯熱不思食錢氏乃曰目中黑睛少白睛多面色眊白此子必多病面色眊白神怯也黑睛少腎虛也黑睛屬水本怯而虛故多病也縱長成必肌膚不壯不耐寒暑易虛易實脾胃亦怯更不可縱酒恣慾若不保養不過壯年面上常無精神光澤如婦人之失血也今吐痢不食壯熱者傷食也不可下下之虛

入肺則嗽入心則驚入脾則瀉入腎則益虛此但以消積丸磨之爲微有食也如傷食甚則可下不下則成癖也實食在內乃可下之下畢補脾必愈隨其虛實無不效者

寒熱相反

京東轉運使李公孫八歲病嗽而曾滿短氣醫者言肺經有熱用竹葉湯牛黃膏各二服治之三日加喘錢氏曰此肺氣不足復有邪卽便喘滿當補肺脾勿服涼藥李曰醫已用竹葉湯牛黃膏錢曰何治山醫曰退熱

退涎錢曰何熱所作曰肺經熱而生嗽嗽久不除生涎
錢曰本虛而風寒所作何熱也若作肺熱何不治其肺
而反調心蓋竹葉湯牛黃膏治心也藥醫有慙色錢治
愈

補下不同

段齋郎子四歲病嗽身熱吐痰數日而咯血醫以桔梗
湯及防已丸治之不愈其痰上攻吐喘不止請錢氏下
編銀朮一大服復以補肺散補脾散治之今段氏咯血
肺虛何以下之曰肺雖咯血有熱故也久即虛痿冷涎

上潮而吐當下其涎若使不吐涎為甚便也蓋吐涎能
虛又生驚也痰實上攻亦使發搐故依法只宜下痰後
補脾肺必涎上而吐愈若先補其肺為逆先下其痰為
順先下後補為良也

癖為潮熱

曹宣德子三歲面黃時發寒熱不欲食而飲水及乳不
止衆醫以為潮熱用牛黃丸麝香丸不愈及以止渴乾
葛散服之反吐錢氏曰當下白餅子主之後補脾乃以
消積丸磨之此癖也後果愈何以故不食但飲水者食

伏腕內不能消致令發寒服止渴藥吐者藥衝脾故也
下之卽愈

虛實熱證

朱監簿子五歲忽發熱醫曰此心熱也腮赤而唇紅煩
躁引飲遂用牛黃丸三服以一物瀉心湯下之來日不
愈反加無力而不能食又下之便痢黃沫錢曰心驚虛
而有留熱在內必被涼藥下之致此虛勞之病也錢先
用白朮散生胃中津後以生犀散治之朱曰大便黃沫
如何曰胃氣正卽瀉自止此虛熱也朱曰醫用瀉心湯

如何錢曰瀉心湯者黃連一物耳黃連性寒多服則痢
內傷脾胃也坐久衆醫至曰實熱錢曰虛熱若實熱何
以瀉心湯下之不安又加面黃頰赤五心煩躁不食而
引飲醫曰旣虛熱何大便黃沫錢笑曰黃沫服瀉心湯
多故也錢後與胡黃連丸治之愈

熱不可下

朱監簿子五歲夜發熱曉卽如故衆醫有作傷寒者有
作熱者以涼藥解之不愈其候多涎而喜睡他醫以牛
黃圓下涎其病益甚至五日大引飲錢氏曰不可下之

乃取白朮散末一兩煎藥汁三升使任其意取足服朱
曰飲多不作瀉否錢曰無生水不能作瀉縱瀉不足怪
也但不可下耳朱曰先治何病錢曰止瀉治痰退熱清
神其藥至晚服盡錢氏曰更可服三升又煎白朮散三
升服盡得稍減三日又服白朮散三升其子不渴無涎
又投阿膠散二服而安

預說驚疾

廣親宅七太尉方七歲潮熱數日欲愈錢謂其父二大
王曰七使潮熱將安八使預防驚搐王怒曰但使七使

愈勿言八使病錢曰八使過來日午間即吾苦也次日
午前果作急搐召錢治之三日而愈蓋預見目直視而
顛赤必肝心俱熱更坐石杌子乃欲冷此熱甚也肌膚
素肥盛脈又急促故必驚搐所言午時者自寅至午皆
心肝所用事時治之瀉心肝補腎自安矣

溫冷用藥

東都張氏孫九歲病肺熱他醫以珠犀龍麝生牛黃治
之一月不愈其證嗽喘悶亂飲水不止食不能入錢氏
用使君子丸益黃散張曰本有熱何以又行溫藥他醫

用涼藥攻之一月尚無效錢曰涼藥久則胃寒不能食小兒虛不能食當補脾候飲食如故卽瀉肺經病愈矣服補脾藥二日其子欲飲食錢以瀉白散瀉肺遂愈七分張曰何以不虛錢曰先實其脾然後瀉肺故不虛也

陰癩壞病

東都王氏子吐瀉諸醫用藥下之至虛變慢驚其候睡露睛手足痠癱而身冷錢曰此慢驚也與菰菰湯其子胃氣實卽開目而身溫王疑其子不大小便令諸醫以藥利之醫留八正散等數服不利而身復冷令錢氏利

之錢曰不當利利之必身冷王曰已身冷矣因抱出錢曰不能食而胃中虛若利大小便卽死久卽脾腎俱虛當身冷而閉目幸胎氣實而難衰也錢用益黃散使君子丸四服令微飲至日午果能飲食所以然者謂利大小便脾胃虛寒當補脾不可攻也後又不語諸醫作失音治之錢曰旣失音何開目而能飲食又牙不噤而口不緊也諸醫不能曉錢以地黃丸補腎所以然者用涼藥利小便致脾腎俱虛今脾已實腎尚虛故補腎必安治之半月而能言一月而痊也

治病有等

張氏三子病大者汗遍身次者上至頂下至胷小者但額有汗衆醫以麥煎散治之不愈錢氏曰大者與香瓜丸次者與益脾散小者與石膏湯各五日而愈

用藥識證

鄭人齊郎中者家好收藥散施人其子忽臟熱齊自取青金膏三服併一服而餌之服畢至三更瀉五行其子困睡齊言睡多亦驚又與青金膏一服又瀉二行加口乾而身熱齊言尚有微熱未盡又與青金膏其妻曰用

藥十餘行未安莫生病否召錢氏曰已成虛羸先多煎白朮散時時服之後用香瓜丸十三日愈

病誤用巫

王駙馬子五歲病目直視而不食或言有神祟所使請巫師祝神燒紙病不愈召錢至曰臟腑之疾何用求神錢與瀉肝丸愈

病篤訣

黃承務子二歲病瀉衆醫止轉十餘日其證便青白乳物不消身涼加噁氣昏睡醫謂病困篤錢氏先以益脾

散三服補肺散三服三日身溫而不哽氣後以白餅子
微下之又與益脾散三服痢止何以然痢本脾虛傷食
初不與大下措置十日上實下虛脾氣弱引肺亦虛補
脾肺病退卽身溫不哽氣是也有所傷食仍下之也何
不先下後補曰便青爲下臟冷先下必大虛先實脾肺
下之則不虛而後更補之也

嗽痛決死

東都藥鋪杜氏有子五歲自十一月病嗽至三月未止
始得嗽而吐痰乃外風寒搐入肺經令肺病嗽而吐痰

風在肺中故也宜以麻黃輩發散後用涼藥壓之卽愈
時醫與鐵粉丸半夏丸漏銀丸諸法下之其肺卽虛而
嗽甚至春三月間尚未愈召錢氏視之其候面青而光
嗽而喘促哽氣又時長出氣錢曰病困十已八九所以
然者面青而光肝氣旺也春三月肝位衰之時也嗽者
肺之病肺自十一月至三月久卽虛矮又曾下之脾肺
子母也復爲肝所勝此爲逆也故嗽而喘促哽氣長出
氣也錢急與瀉青丸散之後與阿膠散實肺次日面青
而不光錢又補肺而嗽如前錢又瀉肝瀉肝未已又加

肺虛唇白如練錢曰此病必死不可治也何者肝大旺而肺虛絕肺病不得其時而肝勝之今三瀉肝而肝病不退三補肺而肺證猶虛此不久生故言死也此證病于秋者十救三四春夏者十難救一果大喘而死

蟲痛決死

辛氏女年五歲病蟲痛諸醫以巴漆礪砂之屬治之不效至三日外多哭而仰臥自按心腹時大叫面色或青或黃或白睛無光而慢唇白吐沫至五日胃高而臥不安錢詳而視之用蕪荑散三服見目不除青色錢氏曰

此病大因若更加瀉則爲逆至次日錢見辛曰夜來三更而瀉錢于瀉盆中看如藥汁以杖攪之見有藥丸錢曰此子肌厚當氣實今證反虛不可治也何以然師曰脾虛胃冷則蟲動今反目青此肝乘脾又脾加瀉知其氣虛也而丸藥隨糞下卽脾胃已脫兼形病不相應故知死病七日而死

瘡疹標本

睦親宅十太尉病瘡疹衆醫治之王曰疹未出屬何臟腑一醫言胃氣熱一醫言傷寒不退一醫言在母腹中

有毒錢氏曰若言胃熱何以乍涼乍熱若言母腹中有毒屬何臟也醫曰在脾胃錢氏曰既在脾胃何以驚悸

案此句下脫錢曰夫胎在腹中月至六七則已成形食

母穢液入兒五臟食至十月滿胃腕中至生之時口有

不潔產母以手拭淨則無疾病俗以黃連汁壓之方下

臍糞及涎穢也此亦母之不潔餘氣入兒臟中本先因

微寒入而成瘡疹未出五臟皆見病證內一臟受穢多

者乃出瘡疹初欲病時先呵欠煩悶驚悸乍涼乍熱手

足冷面腮赤燥咳嗽時嚏此五臟證具也呵欠煩悶肝

也時發驚悸心也乍涼乍熱手足冷脾也面目暈頰赤
嗽嚏肺也惟腎無候以在腑下不能食穢故也凡瘡疹

乃五臟毒若出歸一證則肝水疱肺膿疱心斑脾疹惟

腎不食毒穢而無諸證瘡黑者屬腎由不慎風冷而不

飽內虛也又用抱龍丸數服愈以其別無他候故未發

出則現五臟證已出則歸一臟也

海藏云本先因微寒入一句并字不慎風

冷而不飽內虛一句忽認作寒證當識用抱龍丸即知

斑疹多熱也瘡疹未出五臟皆見內一臟受穢多者乃

出此一句亦可以預知何臟以脈別之具知本臟或斑或疹其名可得

瘡疹有誤

睦親宅一大王病瘡疹始用一李醫又召錢氏錢留抱龍丸三服李以藥下之其疹稠密錢見大驚曰若非轉下則爲逆病王曰李已用藥下之錢曰瘡疹始出未有任何證不可下也但當用平和藥頻與乳食不受風冷可也如瘡疹三日不出或出不快卽微發之發之不出卽加藥加藥不出卽大發之如火發後不出及脈平無證者卽瘡本稀不可更發也有大熱則當利小便小熱當解毒若出快勿發勿下故止用抱龍丸治之瘡痂若起能食者大黃丸下之瀉一二行卽止今先下一日瘡疹

未能出盡而稠密甚則難治此誤也縱得安其病有三一者疥二者癰三者日赤李不能治經三日黑陷復召錢氏錢氏曰幸不發寒而病未困也遂用百祥丸爲藥以牛李膏爲助各一大服至五日間瘡復紅活七日而愈蓋黑者歸腎也腎旺勝脾土不尅水因脾虛寒戰則難治所用百祥丸春以瀉膀胱之腑若不實臟自不勝也何以不瀉腎曰腎主虛不受瀉故三服不效卽加寒而死

熱傳瘡疹

四大王宮五太尉因墜鞦韆發驚搐醫以發熱藥治之不愈錢曰本急驚後生大熱當先退其熱以大黃丸玉露散惺惺丸加以牛黃龍麝肝之不愈至三日肌膚尚熱錢曰更二日不愈必發斑瘡蓋熱不能出也他醫初用藥發散入表表熱而斑生本初驚時當用利驚藥下之今發散乃逆也後二日果斑出以必勝治之七日而愈鄭端友謹案活人書用無比散治瘡疹惡候出不快及黑瘡子內使朱砂腦麝牛黃輕粉水銀等敷之取下如爛魚腸小兒耳冷尻冷手足乍暖乍涼面赤推之藥性極難用時嗽時嚏驚悸此瘡疹欲發也未能辨認服

消毒散已發未發皆宜服仍用胡荽酒黃檗膏暑月煩躁食後與白虎湯玉露散熱盛與紫雪咽喉或生瘡與甘桔湯甘露散餘依錢說大人同小兒法大槩與大人同惟劑料大小不同耳海藏云消毒散太陽藥 白虎湯治身熱目痛鼻乾不得臥陽明藥也止為泄時暑之劑紫雪 天門冬 麥門冬 黃芩 地黃 為血甘桔湯少陰藥也紫雪 天門冬 麥門冬 黃芩 地黃 為血劑玉露散 肺腎藥 石膏寒水石為氣剛劑

小兒藥證真訣卷二

小兒藥證真訣卷三

地黃丸

熟乾地黃

八錢
焙秤

山茱萸

乾山藥

各四錢

澤瀉

牡丹皮

白茯苓

去皮
各二錢

右爲末煉蜜和丸如桐子大三歲以下一丸至三
丸溫水空心化下

當歸散 凡小兒夜啼者臍寒而腹痛也面青手冷不
吮乳是也宜此方

當歸 去蘆頭切焙秤

白芍藥

人參 各一分

桔梗

陳橘

肉桂 不去白各一錢

甘草 炙半分一作二分

右為細末水煎半盞時時少與服又有熱痛亦啼叫不止夜發面赤唇焦小便黃赤與三黃人參湯下

調中丸

白朮 人參 甘草 炒半兩 各 乾薑 四錢炮

右為細末蜜丸如棗豆大每服半丸至五七丸至二三十九丸食前溫水送下

塌氣丸

胡椒 兩 蠍尾 去毒半兩

右為細末麩糊丸粟米大每服五七丸至二三十九丸陳米飲下無時一方有木香一錢

大青膏

天麻末 一錢一作一分 白附子末 生一錢半 蠍尾 去毒生五分

青黛 一錢研 硃砂 研 天竺黃 研 麝香 研一字各

烏稍蛇肉 酒浸焙乾取末半錢

右同再研細生蜜和成膏每服半皂子大至一皂

下海藏云非腎熱相火大盛不宜服此

異功散 溫中和氣治吐瀉不思食凡治小兒虛冷病

證先與數服以正其氣

人參切去蘆 茯苓去皮 白朮 甘草炒 陳橘皮各等分

右為細末每服二錢水一盞生薑五片棗二圓同煎七分食前溫熱服量多少與之海藏云四君子

補脾湯同

豆蔻散 治吐瀉煩渴腹脹小便澀

舶上硫黃一分 桂府白滑石三分 丁香 荳蔻各半

右為細末每服一字至半錢米飲調下無時

木瓜丸 止吐

木瓜末 麝香 膩粉 木香末 檳榔末各一字

右同研麪糊丸如小黃米大每服一二丸甘草水

下無時服

香銀丸 治吐

丁香 乾葛各一 半夏湯浸七次切焙 水銀各半

右上三味同為細末將水銀與藥研勻生薑汁丸

麻子大每服一二丸煎金銀湯下無時

藿香散 治脾胃虛有熱面赤嘔噦涎嗽及轉過度者

麥門冬 去心焙 乾秤 半夏麴 炒 甘草 炙 石膏 各半兩

藿香 一分 用葉

右同為末每服半錢至一錢水一中盞煎七分食

前溫服

辰砂丸 治驚風涎盛潮熱及胃熱吐逆不止

辰砂 研別 水銀 炒 子 各一分 牛黃 龍腦 麝香 別研

生犀末 天麻 白僵蠶 酒 蟬殼 去土 乾

三錢 各

蠍 去毒 炒 麻黃 去節 秤 天南星 易浸七次切焙 乾 各一分

右為末再研勻熟蜜丸棗豆大朱砂為衣每服一

二丸或五七丸食後服煎薄荷湯送下

麻黃湯 治傷風發熱咳嗽喘急若無汗者宜服之

麻黃 去節根寸到三錢以水煮去沫漉出控乾 桂 去粗皮二錢不見火 杏仁 泡

皮尖及雙仁者七箇 麥炒黃色別研如箇 甘草 炙一錢

右為粗末入杏膏拌勻每服一錢水六分煎至四

分去滓溫服不計時候以汗出為度量兒大小加

減若有自汗者不宜服

生黃膏 治熱及傷風温壯疳痰引飲

雄黃研 甘草末 川甜硝各一分 寒水石生一分 飛研一

作一 鬱金末一分 荖荳粉半兩 腦子一錢

右研爲末用蜜和成膏每服一錢白湯化下

木香丸

木香 青黛別研 檳榔 豆蔻去皮 各一分 麝香一錢 半別

研 續隨子一兩 去殼 蝦蟆三箇 燒

右爲細末蜜丸荖豆大每服三五丸至一二十丸 薄荷湯下食前

胡黃連丸

胡黃連 黃連各半 硃砂一分 別研

右上二物爲細末研入硃砂末都填入豬膽內用 淡漿煮以杖子于銚子上用線釣之勿著底候一 炊久取出研入蘆薈麝香各一分飯和丸如麻子 大每服五七丸至一二十丸米飲下食後一作食前又 一方用蝦蟆半兩不燒

蘭香散

蘭香葉菜名二 錢燒灰 銅青半錢 輕粉二字

右為細末令勻看瘡大小乾貼之
白粉散

烏賊魚三 白芨末二 輕粉一

右為細末先川清漿水洗拭過乾貼之無時

如聖丸 治冷熱疔瀉

胡黃連 川黃連 白蕪菁去皮炒 各三 使君

子二兩去皮 麝香別研 乾蝦蟆五個酒沃熬成膏

右前藥為末與膏丸麻子大每服人參湯下二三
歲五七九十歲以上十丸至十五丸無時

膽礬丸 治疔消癰進食止瀉和胃遣蟲

綠礬須真者 膽礬真者一錢 大棗四十個 好

醋一升 已上四物同使君子 二兩 枳實三兩

黃連一兩 訶黎勒去核取一兩 巴豆二十七

破之已上五味同炒 夜明沙 蝦蟆灰存性

苦棟根皮末半兩 已上三味再同炒

右同前膏和入臼中杵千下如末成旋入熟棗肉

亦不可多恐服之難化太稠即入溫水可丸即丸

如棗豆大每服二三十丸米飲溫水下不拘時

青金丹

青黛研 雄黃飛研 胡黃連各半兩 白附子炮刮二錢

水銀一錢與膩粉同研 膩粉水銀同研 熊膽用溫水化人 蘆薈

研 蟾酥研入各一分 麝香半分 龍腦研 硃砂飛研

鉛霜研一字

右為細末令勻用熬過猪膽汁浸蒸餅和丸如黃米大退驚治風化蟲殺疔除百病進乳食治一切驚風天癇目睛上視手足搐搦狀候多端用藥一丸溫水化滴鼻中令嚏噴三五次更用薄荷湯下

二丸即愈如久患五疳腹脹頭大四肢瘦小好喫泥土不思乳食愛咬指甲時擣眉毛頭髮稀疎肚上青筋及又患瀉痢並用米飲下二丸如鼻下赤爛口齒疳蟲并口瘡等用乳汁研二丸塗在患處疳眼雀目白羊肝一枚以竹刀子批開入藥二丸在內以麻縷纏定用淘米泔煮熟空腹食之仍令乳母常忌魚腥大蒜雞鴨猪肉等此藥若隔三二日一服永無百疾不染橫天之疾此古方也錢氏獨麝香比此加倍

止汗散

故蒲扇灰

如無扇用故蒲燒灰

右研細每服三錢温酒調下無時

香瓜丸

胡黃連

大黃瓜

黃色者一個

川大黃

濕紙裏煨至紙焦

柴

胡蘆

鼈甲

醋炙

黃檗

削去粗皮秤

黃連

蘆薈

青橘皮

各等分

右除黃瓜外同為細末將黃瓜割去頭填入諸藥至滿却蓋口用杖子插定慢火內煨熟將黃瓜及

藥同用麪糊丸如菉豆大每服二三丸食後冷漿水或新水下大者五七丸至十丸

黃耆散

治虛熱盜汗

牡蠣

燒

黃耆

生乾地黄

焙秤各等分

右為末煎服不拘時

虎杖散

治實熱盜汗

虎杖

剉

右水煎服量多少與之無時

郁李仁丸

治襁褓小兒大小便不通并驚熱痰實欲

得溏動者

川大黃

一兩去粗皮用實者剉碎酒浸半日住乾炒為細末

郁李仁

一兩去皮

滑石

十兩細研

右先將郁李仁研成膏和大黃滑石丸如黍米大

二歲服二三丸更量大小與之以乳汁或薄荷湯

下食前

捻頭散 治小便不通

玄胡索

川苦楝

各等分

右同為細末每服半錢或一錢捻頭湯調下量多

少與之如無捻頭湯即湯中滴油數點食前

生犀散

消毒氣解內熱

生犀

凡盛物者皆經蒸煮不堪用須生者為佳

右一物不拘多少于澁器物中用新水磨濃汁微

溫飲一茶脚許乳食後更量大小加減之

三黃丸

治諸熱

黃芩

兩

大黃

去皮濕紙裹煨

黃連

去鬚各一分

右同為細末麪糊丸棗豆大或麻子大每服五七丸至十五二十九食後米飲送下

大黃圓

大黃 黃芩 各一兩

右為末煉蜜丸棗豆大每服五丸至十丸溫蜜水化下量大小以意無時服

龍腦膏 治小兒伏熱在心昏瞶不省或悞服熱藥蓄熱昏昧不知人瘡疹倒壓黑陷

生梅花腦子 一字或半字研

右取新殺猪心一個取心中血同研作大丸用新汲水少許化下未省再服如瘡疹陷伏者溫酒化

下食後

梔豉飲子 治小兒蓄熱在中身熱燥狂昏迷不食

大梔子仁 七箇 劈破 豆豉 半兩

右用水三盞煎至二盞看多少服之無時或吐或不吐立效

白虎湯 解暑毒煩躁身熱痰盛頭痛口燥大渴

知母 一兩半 焙研 甘草 半兩 剉炒 石膏 四兩 白粳米 八錢

右同為粗末每服三錢水一盞煎至八分食後溫冷隨意服氣虛人加人參少許同煎

犀角圓 治小兒風熱痰實面赤大小便閉澀三焦邪熱臟腑蘊毒疎導極穩

生犀角

半分一本

人參

半兩切去鬚

黃連

一兩

檳榔

半兩 大黃

二兩酒浸切片以巴豆去皮一百箇貼在紙裏飯上蒸三次切炒令黃焦却

去巴豆不用

枳實

去瓢炙剉一兩或作半兩

右為細末煉蜜和丸如麻子大每服一二十丸臨

卧熱水下未動加數亦治大人孕婦無損

大黃丸

治風熱裏實口中氣熱大小便閉赤飲水不

正有下證者宜服之

大黃

一兩酒洗過米下蒸熟切片曝乾

川芎

半兩剉

甘草

一分剉炙

黑牽牛

半兩半生熟炒

右為細末稀糊和丸如麻子大二歲每服十九溫蜜水下乳後服以漉利為度未利加丸數再服量大小虛實用之

瀉心湯

治小兒心氣貫則氣上下行澁合卧則氣不

得通故喜仰臥見氣上下通

黃連

一兩去鬚

右為末每服一字至半錢一錢臨臥溫水調下

王海藏云易老單瀉心湯加減法出于此乃實邪也實則泄其子加黃檗爲二聖丸加橘皮爲橘連丸加榆仁爲榆仁丸加黃芩大黃爲三黃丸加膠茯苓爲阿膠丸加阿膠當歸乾薑爲駐車丸加木香白附子爲白附子香連丸加訶子木香爲小香連丸加荳蔻木香爲荳蔻香連丸
 導赤散 治小兒心熱視其睡口中氣溫或合面睡及上竄咬牙皆心熱也心氣熱則心胸亦熱欲言不能而有就冷之意故合面臥

生乾地黃

焙

木通

甘草

炙

各

右同爲末每服三錢水一盞入竹葉同煎至五分食後溫服一本不用甘草用黃芩

桃枝圓

疎取積熱及結胸

又名桃符丸

巴豆霜

川大黃

去

黃檗末

各一分

輕粉

硃

砂

各半錢

右爲細末麩糊丸粟米大煎桃枝湯一啐兒五七丸五七歲二三十九丸桃符湯亦得未啐二三丸臨

臥服

白餅子 又名玉餅子

滑石 輕粉 半夏 湯浸七次 切焙研

天南星 各二錢 為末

巴豆 二十四箇去皮膜水一升 煮水盡為度一作水三升

右研勻巴豆後入衆藥以糯米飯為丸小菜豆大
捻作餅子三歲以上三五餅子以下一二餅子煎
葱白湯下臨臥

紫霜丸

代赭石 二錢研細水飛 一本作一錢

巴豆 二十一箇去油心皮膜

杏仁

二十一箇 去皮尖

右為細末飯丸如粟米大每服三五丸至十丸煎

阜角仁湯下無時海藏云五色加減泣見活法

珍珠丸 取小兒虛積一切聚積驚涎宿食乳癖治大

小便滯滯療腹脹行滯氣

巴豆仁 十四箇水浸 一箇研極細 木香 白丁香 直者 丁香末

各一錢 滑石末 二錢 輕粉 半錢 晉少可為衣

右為末研勻濕紙裏燒粟米飯丸麻子大一歲一

丸八九歲以上至十五歲服八丸炮阜子煎湯放

冷下挾風熱難動者先服涼藥一服乳癖者減丸

白餅子 又名玉餅子

滑石 輕粉

半夏 湯浸七次切焙

天南星 各二錢為末

巴豆

二十四箇去皮膜水一升煮水盡為度一作水三升

右研勻巴豆後入衆藥以糯米飯為丸小菜豆大

捻作餅子三歲以上三五餅子以下一二餅子煎

葱白湯下臨臥

紫霜丸

代赭石

二錢研細水飛一本作一錢

巴豆

二十一箇去油心皮膜

杏仁

二十一箇去皮尖

右為細末飯丸如粟米大每服三五丸至十九煎

卓角仁湯下無時海藏云五色加減泣見活法

珍珠丸

取小兒虛積一切聚積驚涎宿食乳癖治大

小便滯滯療腹脹行滯氣

巴豆仁

十四箇水浸一錢研極細

木香

白丁香

直者

丁香末

各一錢

滑石末

二錢

輕粉

半錢留少可為衣

右為末研勻濕紙裏燒粟米飯丸麻子大一歲一

丸八九歲以上至十五歲服八丸炮卓子煎湯放

冷下挾風熱難動者先服涼藥一服乳癖者減丸

數隔日臨臥一服

消堅丸 消乳癖及下交妳又治痰熱膈實取積

硃砂錢二 水銀砂子一兩阜 黃芩末五錢 巴豆

霜 輕粉各一錢 古墨許少

右同研細末少入麩糊為丸如麻子大倒流水下

一歲兒服一丸食後服

鐵粉丸 治涎潮盛搐吐逆

水銀砂子錢一 硃砂分一 天南星一分炮去 輕粉

錢二 鐵粉分一

右同研水銀星盡為度薑汁麩糊為丸粟米大煎

生薑湯下十丸至十五丸二三十九丸無時

麝香丸 治驚風涎熱潮搐

龍腦一字 大乾蟾灰炮二遍三錢 輕粉三錢

硃砂末二錢 雄黃末 蛇黃澆淬取末 青礞石末

各三錢 麝香一錢 各研

右拌研勻水浸蒸餅為丸如桐子大硃砂為衣薄

荷水化下半丸至一丸無時

安蟲散

胡粉炒 檳榔 川棟子去皮 鶴蝮炒黃 白礬一分鐵器勺火上熬枯秤

右為細末每服一字大者半錢溫米飲調下痛時宜服

五色丸

硃砂半兩 水銀一分 雄黃一兩 眞珠末二兩

研 鉛三兩同水煎熬

右煉蜜丸麻子大每服三四丸煎金銀花薄荷湯下

鉤藤飲子 治吐痢脾胃氣熱虛風慢驚

鉤藤三分 蟬殼 防風去蘆頭 人參切去鬚焙 麻黃

白僵蠶炒黃 天麻 蠹尾各半兩去毒炒 甘草炙

川芎各一分 麝香一錢別研

右同為細末每服二錢水一盞煎至六分溫服量多少與之寒多者加附子半錢無時

豆卷散 治小兒慢驚多用性太溫及熱藥治之有驚未退而別生熱證有病愈而致熱證者有反為急驚者甚多當問病者幾日因何得之曾以何藥療之可用解

毒之藥無不效宜此方

大黃豆卷

水浸黑豆生芽是也晒乾

貫衆

板藍根

甘草

各一

兩

右四味同為細末每服半錢水煎去滓服甚者三

錢漿水內入油數點煎又治吐蟲服無時

龍腦散

大黃

蒸

半夏

湯洗薄切用薑汁浸一日焙乾炒

甘草

炙

金星

石

寒水石

禹餘糧

不灰木

青蛤粉

各半兩

銀星石

案此味等分傳寫缺

右同為細末研入龍腦一字再研勻新水調一字

至半錢量兒大小與之通解諸毒本舊方也仲陽

添甘松三兩枚藿香葉末一錢金芽石一分

回生散 治小兒吐瀉或誤服冷藥脾虛生風成慢驚

大天南星

重八九錢以上者良

右用地坑子一箇深三寸許用炭火五斤燒通赤

入好酒半盞在內然後入天南星却用炭火三兩

條蓋却坑子候天南星微裂取出挫碎再炒用熟

不可稍生放冷為細末每服半錢或一字量兒大

小濃煎生薑防風湯調下無時

梓朴散

梓州厚朴一兩 細剉

半夏一錢 湯洗七次 薑汁漬半日 晒乾

右用米泔三升同浸一百刻水盡為度如百刻水

未盡少加火熬乾去厚朴只將半夏碾為細末每

服半錢或一字薄荷湯調下無時

羌活膏 治脾胃虛肝氣盛生風或取轉過或吐瀉後

為慢驚者亦治寒傷無不效

羌活去蘆頭

川芎

人參切去頭尖

白附子炮

赤茯苓

苓去皮 各半兩

天麻

白僵蠶酒浸炒黃

乾蠍去毒 炒

白

花蛇酒浸去肉焙乾 各一兩

川附子炮去皮臍

防風去蘆頭 切焙

麻黃去節秤 一本作各三錢 各二錢

肉豆蔻

鷄頭香母丁 在也

藿香葉

沉香

木香各二錢

輕粉字一

真珠末

牛黃各一錢半

龍腦半字

麝香一錢七 一本作一錢半

雄黃

辰砂各一分 七味各研別入

右為細末煉蜜丸大豆大每服一二丸食前薄荷

湯或麥門冬湯化下實熱急驚勿服性溫故也服

無時 古今論鷄舌香者同異紛紛或以為番棗

核或以爲母丁香互相排抵竟無定說孝忠以爲最爲易辨所以久無定說者惑于其名耳古人命藥多以其形似者名之如烏頭狗脊鶴虱之類是氣也番棗核母丁香本二物以其皆似鷄舌故名適中同凡藥物名同實異如金櫻地錦之類不足怪也嘗如鷄舌二種各有主療番棗核者得于乳香中今治傷折藥多用之母丁香卽丁香之老者極芳烈古人含鷄舌香乃此類也今治氣溫中藥多用之所謂最易辨者如此

溫白丸 治小兒脾氣虛困洩瀉瘦弱冷疳洞痢及因吐瀉或久病或慢驚身冷瘕

天麻 生半兩 白僵蠶 炮 白附子 生 乾蠍 去毒 天

南星 剉湯浸七次焙各一分

右同爲末湯浸寒食麪爲丸如菘豆大丸了仍于寒食麪養七日取出未及養七日合成便服之每服五七丸至二三十丸空心煎生薑米飲下漸加丸數多與服之

誠齋湯 治慢驚

菰蘆根末

錢二

白甘遂末

錢一

右同于慢火上炒焦黃研勻每服一字煎麝香薄

荷湯調下無時

小惺惺丸 解諸毒治急驚風癩潮熱及諸疾虛煩藥

毒上攻躁渴

臍日取東行母猪糞

燒灰存性 半兩研

辰砂

水研飛 半兩

蛇

黃

西山者燒赤研滓半兩五番水研飛乾用

麝香

龍腦

各二錢

牛黃

別研 錢各

右以東流水作麪糊丸桐子大用硃砂為衣二三

歲每服二丸鑰匙研破溫水化下小兒初生便宜

服一丸除胎中百疾食後

金箔丸

治急驚涎盛

牛黃

龍腦

麝香

各半錢

雄黃

辰砂

各一分

生

犀末

半分以上 六味同研

天南星

剉炒 熟

白附子

炮

防

風

去蘆頭 切焙

半夏

湯浸七次切焙 乾秤 各半兩

金箔

二十片

右為細末薑汁麪糊丸麻子大每服三五丸至一

二十丸人參湯下如治慢驚去龍腦服無時

蟬花散

治驚風夜啼咬牙嗽嗽及療咽喉壅痛

蟬花

並殼

白僵蠶

直者酒炒熟

甘草

各一分

延胡索

半

右為末一歲一字四五歲半錢蟬殼湯調下食後服

安神丸

麥門冬

去心焙

馬牙硝

白茯苓

乾山藥

寒水

石

研

甘草

各半兩

硃砂

一兩研

龍腦

一字研

右為末煉蜜丸雞頭大每服半丸沙糖水調下無時

天南星散

治顛開不合鼻塞不通

天南星

大者微炮去皮

右為細末淡醋調塗緋帛上貼顛上火炙手頻熨之立效

瀉白散

又名瀉肺散

桑白皮

紙剉炒黃

地骨皮

洗去土焙各一兩

甘草

炒半兩

右件為末每服一二錢水一中盞入粳米百粒同煎至六分食後溫服 王海藏云治肺熱傳骨蒸自汗用此以直瀉之梔子黃芩亦能瀉肺當以氣血分之

益黃散 又名補脾散

陳橘皮 一兩

青橘皮

訶子肉

甘草 切少各半兩

丁香

香 二錢

右為細末每服二錢水一盞煎六分食前溫服又

有食後

瀉黃散 又名瀉脾散

藿香葉 七錢

山梔子仁 一兩

石膏 半兩

甘草 三兩一作三分

防風 四兩切去蘆焙

右剉同蜜酒微炒香為細末每服一錢至二錢水

一盞同煎至五分溫服清汁無時南方多以寒水

石為石膏以石膏為寒水石正與京師相反乃大

誤也蓋石膏潔白堅硬有牆壁而寒水石則軟爛

以手可碎外惟青黑中有細紋方書中寒水石則

火煅用之石膏則堅硬不可入火如白虎湯用石

膏則能解飢熱破痰治頭痛若用寒水石則誤矣

又有一等堅白全類石膏而方敲之亦皆成方者

名方解石也可代石膏用之南人有不信此說者

季忠嘗相與同就京師大藥肆中買石膏寒水石

方解石三種又同詣惠民和劑局及訪諸國醫詢之皆合此說乃信服季忠頃編保生信效方已為辯論恐小兒尤不可悞故復見于此

白朮散

人參切去蘆頭

白朮 木香

白茯苓去皮

甘草剉炒

藿香葉各一兩

乾葛二兩

右為粗末每服一錢至二錢水一盞煎至五分溫服如飲水者多煎服之無時 王海藏云四君子湯加減法治濕勝氣脫泄痢太過與和中散同

瀉青丸

又名瀉肝丸

常歸去蘆頭切焙秤

龍膽焙秤

川芎

山梔子仁

川大

黃

濕紙裏畏一木無大黃

羌活

防風

去蘆頭切焙各等分

右為末煉蜜和丸鷄頭大每服半丸至一丸煎竹葉湯同沙糖溫水化下 王海藏麻疹改誤云東垣先生治癰後風熱毒翳膜氣暈遮睛以此劑瀉之大效初覺易治補肝丸防風六合湯四物湯內加防風羌活等分細末煉蜜為丸是也鎮肝丸瀉青丸去梔子大黃治肝虛

生犀散

生犀 剉取末二錢

地骨皮 自採者佳

赤芍藥 柴胡 乾

葛 剉各一兩

甘草 半兩

右為粗末每服一二錢水一盞煎至七分食後溫

服

秦朮散 治潮熱減食蒸瘦

秦朮 去蘆頭切碎

甘草 炙各一兩

乾薄荷葉 半兩切焙

右為粗末每一服二錢水一盞煎八分食後溫服

地骨皮散 治虛熱潮作亦治傷寒壯熱餘熱

知母 柴胡 甘草 人參 切去蘆焙 地骨皮 自採者佳

赤茯苓 半夏 湯洗七次切焙 各等分

右為細末每服二錢薑五片水一盞煎八分食後

溫服量大小加減

牛黃膏 治驚熱及傷風溫壯疳熱引飲

雄黃 研末 甘草 末 川甜硝 各一分 寒水石 生飛研一兩

鬱金末 腦子 各一錢 豨豆粉 半兩

右研勻煉蜜和成膏薄荷水化下半皂子大食後

服

牛黃丸

雄黃研水飛

天竺黃各二錢

牽牛末一錢

右同再研麩糊爲丸如粟米大每服三丸至五丸食後薄荷水下兼治疳消積常服尤佳大者加數丸

銀液丸 治驚熱膈實嘔吐上盛涎熱

天南星二錢炮

白附子一錢半炮

龍腦半錢

輕粉一錢

水銀半錢一本作半兩

蠍尾二十一枚炙去毒

右同研勻石腦油丸如菉豆大每服二三丸乳香

湯下大者稍加之無時

鎮心丸 涼心經治驚熱痰盛

甜硝白者

人參切去蘆末

甘草炙取末

寒水石燒一兩各

乾山藥白者

白茯苓各二兩

硃砂一兩

龍腦 麝

香各一錢三味并研碎

右爲末熟蜜丸鷄頭大如要紅入环子胭脂二錢卽染胭脂是也溫水化下半丸至一二并食後

軟金丹 治驚熱痰壅嗽膈實

天竺黃

輕粉各半兩一本作二兩

青黛一分

半夏三分用生薑三

分半搗麴同焙
乾再為細末

黑牽牛 三分
取末

右同研勻熟蜜劑為膏薄荷水化下半皂子大至

一皂子大量度多少用之食後

鈎藤膏 治小兒腹中極痛乾啼後偃名盤腸內弔 鄭端

友全嬰方
名木香膏

好乳香 水中坐乳
鉢研細秤 沒藥 研 木香 薑黃 各四錢

木鼈子仁 二十個去外皮
一本作十二個

右先將後三味同為細末次研入上二味煉蜜和成劑收之每一歲兒可服半阜子大餘以意加減

煎鈎藤湯化下無時次用魏香散

魏香散

蓬莪莖 半兩 真阿魏 一錢

右先用溫水化阿魏浸蓬莪莖一晝夜焙乾為細末每服一字或半錢煎紫蘇米飲空心調下

涼驚丸

硼砂 研 粉霜 研 郁李仁 去皮
乾為末 輕粉 鐵粉

白牽牛末 各一錢 好臘茶 三錢

右同為細末熬梨為膏丸菴豆大龍腦水化下一

本草綱目卷之九 王朝信校

丸至三丸亦名梨汁餅子及治大人風涎竝食後服一本無白 服率牛末

剪刀股丸 治小兒一切驚風久經宣利虛而生驚者

硃砂 天竺黃研 白僵蠶去頭 足炒 全蠍去毒 炒 乾

蟾去四足并腸洗 炙焦黃為末 蟬殼去頭足 作去翅 五靈脂去黃 者為

未用 各一分 牛黃 腦子各一 字 麝香半 錢 地黃牛兩 燒赤

醋淬三五 遍水研飛

右為末共二兩四錢東流水煮白麩和丸桐子大 每服一丸剪刀鑲頭研破食後薄荷湯下如慢驚

即去龍腦

烏藥散 治乳母冷熱不和及心腹時痛或水瀉或乳

汁不好

香附子破用 白者 高良薑 赤芍藥 天台烏藥各等 分

右為末每服一錢水一盞同煎六分溫服如心腹 痛入酒煎水瀉米飲調下無時

紫草散 發癍疹

鈎藤鈎子 紫草茸各等 分

右為細末每服一字或半錢一錢溫酒調下無時

小兒驚風 卷之三

紫草散 治發瘡辛亥樵隱孫先生出麻疹又發痘瘡
瘡黑陷亢拱辰出此方愈亢云錢氏方紫草散有枳殼
難服

紫草 甘草 糯米

亢云此味極好助胃氣

黃芪 各等分

右為末水煎服

蟬蛻散 治癩瘡入眼半年以後者一月取效

猪懸蹄甲

二兩入罐子內鹽泥固濟燒存性

蟬蛻

去土用末一兩

右二味研入羚羊角細末一分拌勻每服一字百
日外兒半錢三歲以上一二錢溫水或新水調下

日三四夜一二食後服一年以外難治季忠頃守
官江南每置羚羊角取得山羊角正如石膏寒水
石之相易也羚羊角纖細而節紋極密京師僦馬
人多用以為馬銜鐵是也山羊角粗長及節紋稀
當是京師用為正

三聖丸 化痰涎寬膈消乳癖化驚風食癩諸疳小兒

一歲以內常服極妙次有三名小青丸小紅丸小黃丸

總為三聖丸

小青丸

青黛一分 牽牛末三分 膩粉二錢

右並研勻麩糊為丸黍米大

小紅丸

天南星末一兩三分 硃砂半兩研 巴豆二錢取霜

右研勻薑汁麩糊丸黍米大一本天南星一兩生

小黃丸

生半夏末一分 巴豆霜一字 黃檗末半錢

右研勻薑汁糊丸黍米大百日以上者各一九一

歲者各一九隨乳下之

編銀丸 治風寒膈實上熱及乳食不消腹脹喘粗等

巴豆半兩去皮油心膜研細 古墨八錢火燒醋淬研 水銀半兩 黑

鉛二錢半同水銀結砂子 麝香半錢別研

右將巴豆末并墨再研勻和入砂子麝香陳米粥

和丸如菜豆大捻編一歲一九二二歲二三丸五

歲以上五六丸煎薄荷湯放冷送下不得化破更

量虛實增減並食後服

百部丸 治小兒肺寒壅嗽微喘

百部炒乾 麻黃去節先作末各三分 杏仁四十箇去皮尖麩炒

右和勻熟蜜丸皂子大溫水下二三丸無時日三四服此方仲陽加松子仁五十箇糖丸之含化大妙

銀砂丸 治涎盛膈熱實痰嗽驚風積潮熱

水銀

結砂子三
皂子大

辰砂

研二錢

蠟尾

去毒
為末

礪砂

研

郁李仁

去皮焙
秤為末

汾霜

研

白牽牛末

輕粉

各一

鐵粉

好蠟

各一錢

右同為細末熬梨汁為膏丸如菜豆大龍腦水化下一丸至三丸亦名梨汁餅子及治大人風涎竝

食後

溫中丸 治小兒胃寒瀉白腹痛腸鳴吐酸水不思食

霍亂吐瀉諸疾

人參

五盧頭

甘草

炮

白朮

各一兩

右薑汁麩糊丸如菜豆大米飲下一二十丸不拘

時服

二氣散 治虛實冷熱霍亂吐逆

硫黃

不夾石者
半兩研細

水銀

一分與
黃再研

右同研如黑煤色不見星每服一字至半錢用生

薑水調下不以時候量兒大小加減此散浮泛難

沈先滴少水以指緩緩研之稍稍增湯使調之及

治大人小兒一切吐逆諸藥不效者

白附子香連丸 治腸胃氣虛暴傷乳哺冷熱相雜瀉

痢赤白裏急後重腹痛扭撮晝夜頻併乳食減少

黃連 木香 各一分 白附子尖 二分

右為末粟米飯丸菜荳大或黍米大每服十丸至

二三十丸食前清米飲下日夜各四五服

荳蔻香連丸 治泄瀉不拘寒熱赤白陰陽不調腹痛

腸鳴立效如神

黃連 三分 肉荳蔻 兩 木香 各一分

右為細末粟米飯丸米粒大每服米飲下十丸至

三二十九丸日夜各四五服食前

小香連丸 治冷熱腹痛水穀利滑腸

木香 訶子肉 各一分 黃連 半兩

右為細末飯和丸菜豆大米飲下十丸至三五

十丸頻服之食前

天胡連丸 治一切驚疳腹脹蟲動好喫泥土生米不

思飲食多睡吼哇臟腑或秘或瀉肌膚黃瘦毛焦發黃
飲水五心煩熱能殺蟲消脹進飲食兼治瘡癬常服不
瀉痢

胡黃連 黃連 苦楝子 各一兩錢 白蕪荑 去扇半兩 初三

乾蟾頭 麝存性別 研一分 麝香 別研 一錢 青黛 別研 一兩半

蘆薈 一分 別研

右先將前四味為細末猪膽汁和為劑每一胡桃
大入巴豆仁一枚置其中用油單一重裹之同米
二升許蒸米熟為度入後四味為丸少入麩糊

麝香丸 治小兒一切驚疳等病

草龍膽 各半 胡黃連 兩 木香 蟬殼 去頭足洗 各一錢為末

乾秤又一本作 瓜蒂 龍腦 麝香 牛黃 各一錢並

研各自

右藥為細末和猪膽汁丸桐子及菘豆大驚疳臟
腑或秘或瀉清米飲或溫水下小丸五七粒至一
二十粒疳眼猪肝湯下疳渴燻猪湯下猪肉湯下
亦得驚風發搐眼上薄荷湯下一丸更水研一丸
滴鼻中牙疳瘡口瘡研貼蟲痛苦梗根或白蕪荑

湯送下百日內小兒大小便不通水研封臍中有
 蟲加乾漆好麝香各少許并入生油一兩點溫水
 化下一大丸病急則研碎緩則浸化小兒虛極慢
 驚者勿服尤治急驚痰熱此方內一本瓜蒂用一
 十一箇為末更用蘆薈去沙秤熊膽青黛各一分
 輕粉一錢

大惺惺丸 治驚疳百病及諸壞病不可具述

辰砂 研

青礞石

金牙石

各一錢半

雄黃

一錢

蟾灰

二錢

牛黃

龍腦

各一字別研

麝香

半錢別研

蛇黃

三錢醋淬

次五

右研勻細末水煮蒸餅為丸硃砂為衣如菉豆大
 百日兒每服一九一歲兒二丸薄荷湯化下食後
 獨活飲子 治腎疳臭息候良方

天麻 木香

獨活

防風

各一錢

麝香

少許研細末和入

右每服一錢七小者半錢麥門冬熟水調下

三黃散 治腎疳崩砂候良方

牛黃

大黃

生地黄

木香

青黛

各等分為末

右每服一錢七熟水調服

人參散 治腎潰槽候良方

肉苳蔻

炮

胡黃連

人參

杏仁

炒

甘草

各等

分爲末

右每服一錢七小者半錢温熟水調服

檳榔散 治腎疝宣露候良方

木香

檳榔

人參

黃連

甘草

炙

各等分爲末

右每服一錢小者半錢熟水調服

黃芪散

治腎疝腐根候良方

黃芪

炙

牛黃

人參

天麻

蠹

去毒

杏仁

炒

白茯苓

川當歸

生地黃

洗

熟乾地黃

洗

各等分爲

末

右每服小者半匕煎天門冬熟水調服麥門冬亦

得

地骨皮散

治腎疝齟齬牙齒肉爛腐臭鮮血常出良

方

生乾地黃

兩半

真地骨皮

細辛

各一分

五倍子

炒

焦二錢

右爲末每用少許傅之頻與功效多不妨

議曰

本經所載疳證有五謂五臟所受故得其名今述
 腎疳一臟有五證候者最為要急不可同常此疾
 具陳有五種候傳迅疾可畏乃知走馬之號不誣
 初發之時兒孩口臭上干胃口氣息臭鬱漸進損
 筋齦肉生瘡或腫或爛其齒焦黑又進從牙槽內
 發作瘡疱破潰膿爛又進熱逼入脈常血出其熱
 注久牙齦腐壞槽寬齒脫六七歲孩落盡不復更
 生豈可治源今以妙方宜速與隨其傳變而理不
 待疾作而後藥也

龍骨散 治疳口瘡走馬疳

砒霜字一 粉霜半錢 龍骨錢一 定粉半錢 龍腦字半

蟾酥字一

右先研砒粉極細次入龍骨再研次入定粉等同
 研每用少許傅之

蘭香散 治小兒走馬疳牙齒潰爛以至崩砂出血齒

落者

輕粉 蘭香末各 蜜陀僧半兩醋

右研如粉傅齒及齦上立效 議曰嬰孩受病證

候多疳良由氣鬱三焦疳分五臟內有腎經常虛
 得疳名之曰急以走馬為喻治療頗難此等證初
 作口氣名曰臭息次第齒黑名曰崩砂盛則齲爛
 名曰潰槽又盛血出名曰宣露重則齒自脫落名
 曰腐根其根既腐何由理之嗟乎豪家育子舖以
 甘肥腎堂受之虛熱或因母在難月恣食厚味令
 兒所招俱非偶然而作今將秘方述于後

傳齒立效散

鴨背膽礬

一錢匙上
煨紅研

麝香少許

右研勻每以少許傅牙齒齲上又一方用蟾酥一
 字加麝香和勻傅之 議曰血之流行者榮也氣
 之循環者衛也變蒸足後飲食之間深恐有傷于
 榮衛而作眾疾其或氣傷于毒血傷于熱熱毒攻
 之虛臟所受何臟為虛蓋小兒腎之一臟常主虛
 不可令受熱毒攻及腎臟傷乎筋骨惟齒受骨之
 餘氣故_七作疾名曰走馬非徐徐而作所宜服藥
 甘露飲地黃膏化毒丹消毒飲其外證以前件立
 效散及麝酥膏傅之切忌與食熱毒之物此疳不

同常證醫宜深究保全為上若用常方難于痊愈

胡黃連麝香丸 治疳氣羸瘦白蟲作

胡黃連 白蕪荑 去扇 各一兩半 黃連 木香 各半兩

辰砂 一分 別研 麝香 一分 別研

右為細末麪糊丸棗豆大米飲下五七丸至十九三五歲以上者可十五丸二十九無時

大蘆薈丸 治疳殺蟲和胃止瀉

胡黃連 黃連 白蕪荑 去扇 各一兩 蘆薈 木香 青

橘皮 雷丸 破開白者佳赤者殺人勿用 鶴蝮 微炒 各半兩 麝香

別研 二錢

右為細末粟米飯丸棗豆大米飲下一二十九無

時候服神效忌一切甜物

榆仁丸 治疳熱瘦悴有蟲久服充肥

榆仁 去扇 黃連 去鬚 各一兩

右為細末用猪膽七箇破開取汁與二藥同和入

椀內甑上蒸九日每日一次候日數足研麝香半

錢湯浸宿蒸餅同和成劑丸如棗豆大每服五七

丸至一二十九米飲下無時

橘連丸 治疳瘦久服消食和氣長飢肉

陳橘皮 一兩 黃連 一兩半 鬚 米泔浸一日

右為細末別研入麝香半錢用猪膽七箇分藥入膽內漿水煮候臨熟以針微刺破以熟為度取出以粟米粥和菜豆大每服十九至三十九米飲下量大小與之無時

龍粉丸 治疳渴

草龍膽 微炒 定粉 微炒 烏梅肉 焙 黃連 各二分

右為細末煉蜜丸麻子大米飲下一二十九無時

二聖丸 治小兒疳臟腑或好或瀉久不愈羸瘦成疳

宜常服

川黃連 去鬚 一兩 黃蘗 去粗皮 一兩

右為細末將藥末入猪膽內湯煮熟丸如菜豆大每服二三十丸飯飲下量大小加減與服無時

沒石子丸 治小兒泄瀉白濁及疳痢滑肛門痛

木香 各二錢半 黃連 各二錢半 沒石子 一箇 荳蔻仁 二箇 訶子

肉 三箇

右為細末飯和丸如麻子大米飲下十五丸量大

小加減服之

金華散 治小兒一切濕瘡癬疔

黃檗 黃連 各半兩 為細末 黃丹 一兩 水飛 輕粉 一錢 麝香

一字 別研

右同研勻先以溫水洗後貼之

蚶蚱丸 治小兒五疳八痢乳食不節寒溫調適乖違
毛髮焦黃皮膚枯悴脚細肚大顛解胃陷漸覺疰羸時
發寒熱盜汗咳嗽腦後核起腹內塊生小便泔濁膿痢
澱青搏眉咬指喫土甘酸吐食不化煩渴併頻心神昏

脊鼻赤唇燥小蟲既出蛔蟲咬心疳眼雀目名曰丁奚
此藥效驗如神

蚶蚱 酒浸去 骨焙 白蕪荑 去皮 黃連 去鬚 胡黃連 各一兩半

青黛 半兩 為衣

右件研為細末猪膽汁麪和丸如粟米大每服三
十丸用飯飲吞下食後臨臥日進三服

白玉散

白玉 一分 寒水石 半兩

右為末用米醋或新水調塗

小兒藥證直訣卷三



書